

Malahutayong Mag-ampo nga dunay Dios nga Atong Pagtuo

Basahong Kasulatan: Mar. 11:20-24; Luc. 18:1-8; Bug. 8:3-5

I. Sa Marcos 11:20-24 gitudloan ni Ginoong Jesus ang Iyang mga tinun-an nga mag-ampo pinaagi sa pagtuo aron matuman ang kabubut-on sa Dios segun sa Iyang pamatigayon:

- A. Masagol ug mausa ngani sa Dios ang tawong nag-ampo, mahimong pagtuo niya ang Dios; kini ang gipasabot sa motuo sa Dios—v. 22.
- B. Ang mga pag-ampo ra nga lugwa sa pagtuo ang makatandog sa Dios; kon walay pagtuo, dili magpulos ang pag-ampo—v. 23.
- C. Ang pagtuo kana mang motuo nga nadawat na nato ang atong gipangayo—v. 24:
 - 1. Matod pa sa pulong sa Ginoo, motuo gyod ta nga nadawat na nato, dili nga madawat pa nato.
 - 2. Nagpasabot ang molaom nga nagpaabot tag butang sa umalabot; nagpasabot ang motuo sa pag-isip nga nahuman na kining butanga.
 - 3. Ang pagtuo dili lang kay motuo nga makahimo ang Dios o himoon sa Dios ang usa ka butang kondili motuo sab nga gihimo na sa Dios kanang butanga.
- D. Ang pag-ampo sa Marcos 11:20-24 pag-ampo nga dunay pagbulot-an; wala ipatumong sa Dios kining pag-ampo kondili “ning bukira”—v. 23:
 - 1. Ang pag-ampong dunay pagbulot-an dili mohangyo sa Dios nga mobuhat Siya; mogamit hinuon kini sa pagbulot-an sa Dios ug iaplikar kini sa pagsulbad sa mga problema ug sa mga butang nga angay kuhaon—Zac. 4:7; Mat. 21:21.
 - 2. Gitahasan ta sa Dios nga sugoon ang gisugo na Niya ug mandoan ang gimandoan na Niya—17:20.
 - 3. Ang pag-ampong dunay pagbulot-an pag-ampo nga giabog nato ang mga butang nga nag-ulang nato.
 - 4. Makaampo ang iglesia nianang pag-ampong dunay pagbulot-an sa pagbaton niinig hingpit nga pagtuo, dili magduhaduha, ug nakaseguro nga hingpit gyong uyon sa kabubut-on sa Dios ang gibuhat nato—6:10; 18:19-20.
 - 5. May kalabotan gyod kaayo sa mga mananaog ang pag-ampong dunay pagbulot-an; kat-onan gyod sa tanang mananaog ang pagpamulong ngadto “ning bukira”—Mar. 11:23.

II. Sa Lucas 18:1-8 gisuginlan ni Ginoong Jesus ang mga tinun-an og sambingay “sa tuyo nga mag-ampo gyod sila kanunay ug dili magkaluya”—v. 1:

- A. Lalom ang kahulogan ning sambingaya, ug kinahanglan makaila ta sa Dios ingon sa pagpadayag Kaniya dinhi—vv. 7-8.
- B. Nagtimaan sa mga magtutuo ang babayeng balo sa versiculo 3; sa usa ka bahin, mga babayeng balo karong panahona ang mga magtutuo ni Cristo kay ang ilang Bana, nga si Cristo, morag wala man nila—2 Cor. 11:2.
- C. Sama sa babayeng balo sa sambingay (Luc. 18:3), kitang mga magtutuo ni Cristo dunay kabatok, nga si Satanas nga yawa; kalabot niya ipanimalos gyod ta sa Dios:
 - 1. Nagpakita kining sambingaya sa pag-antos nato tungod sa atong kabatok sa panahon nga morag wala ang Ginoo.

2. Ning panahon nga morag wala Siya, babayeng balo ta nga sigeng gisamoksamok sa iyang kabatok.
- D. Samtang gilutos ta sa atong kabatok, morag dili matarong ang atong Dios, kay gitugotan man Niya nga dili matarong nga lutoson ang Iyang mga anak—1 Ped. 2:20; 3:14, 17; 4:13-16, 19:
1. Sa tanang siglo, linibolibo ka matinud-anon ug matinumanong magsusunod ni Ginoong Jesus ang nag-antos sa dili matarong nga paglutos; bisan karon daghan ang dili matarong nga gitagad—Bug. 2:8-10.
 2. Morag dili maangayon ang atong Dios, kay wala man Siya mohukom ug molaban; tungod ning sitwasyona, gigamit ni Ginoong Jesus ang dili matarong nga maghuhukom sa pagtimaan sa Dios, mga morag walay gibuhat alang sa Iyang katawhan nga gilutos—Luc. 18:2-6:
 - a. Dios nga nagtago ang atong Dios (Isa. 45:15), ingon sa gipakita sa basahon sa Ester.
 - b. Makaamgo unta ta nga nagtago ang makahimo-sa-tanan ug naa-sa-tanang-dapit nga Dios nga atong gialagaran, ilabina sa dihang motabang Siya nato—Juan 14:26; Rom. 8:26.
 - c. Dili nato Siya makita, ug morag wala Siyay gibuhat; sa pagkatinuod, tago Siyang nagbuhat og daghang butang alang nato—vv. 28, 34; Est. 4:14.
- E. Sigeng nagbalikbalik sa dili matarong nga maghuhukom ang babayeng balo ning samingaya ug nihangyo niya nga ipanimalos siya sa iyang kabatok; magmalahutayon gyod ta sa pag-ampo alang ning pagpanimalos ug dili magkaluya—Luc. 18:1, 3:
1. Sa dihang morag wala ang atong Bana ug gibiyaaan ta dinhi sa yuta ingog baba-yeng balo, temporaryo nga morag dili matarong nga maghuhukom ang atong Dios—v. 6.
 2. Bisan morag dili Siya matarong, mangamuyo gyod gihapon ta Niya, malahutayong moampo, ug kanunay Siyang samokon, kay ipanimalos Niya sa madali ang Iyang mga pinili, nga “nagtuaw Kaniya adlaw ug gabii”—vv. 7-8a.
- F. Gipasabot sa Bugna 8:5 ang tubag sa 6:9-11 ug Lucas 18:7-8:
1. Ang pag-ampo sa mga balaan sa Bugna 8:3-4 alang gyod tingali sa paghukom sa yuta, nga nisupak sa pamatigayon sa Dios.
 2. Ang paghukom sa Dios sa yuta—ang paglabay og kalayo sa yuta—tubag man sa mga pag-ampo sa mga balaan nga naay Cristo nga inciense—vv. 3-5.
- G. “Inig-abot sa Anak sa Tawo, makakita ba kaha Siyag pagtuo sa yuta?”—Luc. 18:8b:
1. Sa linetra, ang Griyegong pulong nga gihubad og “pagtuo” nagpasabot og “ang pagtuo”; nagpasabot kini sa malahutayong pagtuo aron magmalahutayon ang atong pag-ampo, sama sa pagtuo sa babayeng balo.
 2. Ang pagtuo nga pinaagi niini naluwas ta mao ang unang ang-ang sa pagtuo; ang pagtuong nagpausa nato ni Cristo sa kinabuhi mao ang nagdugtong nga pagtuo—ang pagtuong nisulod nato sa makanunayong pagkontak nato sa Tulo-usang Dios aron magkinabuhi ta pinaagi sa Anak sa Dios—Rom. 1:17; Gal. 2:20; Juan 14:19.
 3. Ang nagdugtong nga pagtuo maoy diosnong gipangayo aron motagbo ni Cristo ang mga mananaog sa madaogong pagbalik Niya—Luc. 18:8:
 - a. Ang nagdugtong nga pagtuo mao ang Tulo-usang Dios nga naglihok sa sulod nato aron madugtong ta sa dili matugkad nga kadato Niya—Efe. 3:8.
 - b. Ang nagdugtong nga pagtuo mao ang pagtuo sa mga magtutuo nga wala mosalig sa ilang kaugalingon; nisalig hinuon sila sa Dios—2 Cor. 1:9.
 - c. Inigbalik ni Ginoong Jesus, makakaplag Siyag pipila ka mananaog nga nagkinabuhi sa nagdugtong nga pagtuo ug isipon sila nga mga bahandi alang sa Iyang gingharian sa usa ka libo ka tuig nga paghari Niya—Luc. 18:8; Bug. 20:4, 6.